

Э. И. Полякова

ШЫПАС КУД

Коми кывъысь уджъяс



1

Э. И. Полякова

ШЫПАС КУД

Коми кывйысь уджъяс

1 класс



*Лэдзöма
Коми Республикаса йöзöс велöдан министерство
индöд серти*

АНБУА

Сыктывкар
2013

ББК 74.268.19=664.2
П 54

Велөдчан небөгсө дасьтөма
Коми Республикаса велөдчөм сөвмөдан институтын

Серпасалис **Инна Авилова**

ОТСАСЯН ПАСЪЯС:



– кывлөн вежөртас



– сёрни сөвмөдан да творчествоа удж



– зарни куд



– йөзкостса примета



– мөвпышт (юржуглан, нөдкыв)



– ёрта-ёрткөд уджалөм



– комиөд гижөдсө, орччөд коми да роч гижөд

Полякова Э.И.

П 54 Шыпас куд: Коми кывйысь уджъяс. 1 класс. – Сыктывкар:
ООО «Анбур», 2013. – 96 л.б.

ISBN 978-5-91669-104-7

ББК 74.268.19=664.2

Тайö велөдчан небөгсө дасьтөма 1 класса велөдчысьяслы комиöн лыддысьбөм да сёрни сөвмөдөм могысь. Небөгас пыртөма «Анбурын» сетөм темаяс серти ас кежысь уджалөм вылө уна сикас удж. Пыртөм уджъяссө дасьтөма 1–4 классъяслы «Коми кыв» уджтасын могъяс да темаяс урчитөмөн, посни челядьлысь арлыдсө пыдди пуктөмөн.

«Шыпас куд» небөггысь уджъяссө челядь вермасны вöчны и школын, и ас кежысь гортын.

ISBN 978-5-91669-104-7

© Полякова Э.И., 2013
© Авилова И.А., иллюстрации, 2013
© Оформление. ООО «Анбур», 2013

Дона челядь!

«Шыпас куд» небөгө пыртөма уна сикас гижөд: кывбуръяс, нөдкывъяс, кывпесанъяс, висътъяс, мойдъяс, шусьөгъяс, коми приметаяс. Тіян водзын сулалө ыджыд мог – велөдчыны бура лыддысьны. Тайө небөгас сетөм уджъяс отсаласны тіянлы колана ногөн да тэрыба лыддысьны. Мөвпалөмөн да тэрмасътөг вөчөй татшөм уджъяс:

- Лыддөй сетөм кывъяссө. Найөс лыддьөм бөрын гөгөрвоөдөй кывъясылысь вежөртассө да уна ногөн петкөдчөмсө.

- Велөдчөй тэрыба да быд шы ясыда шуалөмөн лыддыны кывпесанъяс.

- Лыддөй нөдкывъяс да төдмалөй найөс.

- Шыпас йылысь кывбур лыддьөм бөрын орччөдөй гижөдсө серпасыскөд. Видлөй асьныд дасьтыны шыпас йылысь кывбур.

• Мөвпалөмөн лыддьöй текстъяс да юрнималöй найöс, гөгөрвоөдöй гижөд-ыслысь темасö да шөр мөвпсö.

• Төдмалöй юржугланъяс.

«Шыпас куд» небöгын сетöма уджъяс сёрнитан сям да кыввор озырмөдөм могысь. Көсйөм серти öтув вöчöй сёрни сөвмөдан уджъяс. Гижөдъяс лыддьöм бöрын видлöй лөсьöдны висът, мойд, кывбур, нөдкыв да кывпесан. Ас гижөдтö дасьтiгөн бөрйöй медстöч да колана кывъяс, петкөдлöй коми кывлысь аслыснога мичсö да мыла юрганногсö.

Кута лача, мый тайö небөгас сетөм уджъясыс отсаласны тiянлы сөвмөдны лыддьысян кужөмлун да сёрни. Чайта, тiян содас төдөмлунныд чужан му да асгөгөрсä олөм йылысь.

Мед тайö небөгыс лоас тiянлы бур ёртөн!

Эльвира Ивановна



Видза олан, дона школа!
Видза олан, муса класс!
Миян тїянысь зэв ёна
Ставлён бырёма нин гаж.

В. Ширяев



? **1 удж.** Лыдды нөдкывсö да помав.

Мед көть кодi: зон ли, ныв ли –
Сылысь бөрдөм шы ог кывлы.
«Мам-мам», – шуö бурөн-такөн,
Дерт жö тайö лоö

Н. Щукин



2 удж. Лыдды, гөлөсөн торйөд төдчөдөм
кывъяссö.

Анна вурö аканьлы платтьö.
Анна **вурö** аканьлы платтьö.
Анна вурö **аканьлы** платтьö.
Анна вурö аканьлы **платтьö**.

3 удж. Лыдды. Колана ногөн вочавидз
юалөм вылас.

- Агнюша радейтö ворсны **аканьöн**?
- Да, ...



4 удж. Серпас серти лöсьöд сёрни. Мый йылысь сёрнитöны Анна да Агнюша?



5 удж. Лыдды висьтсö.

Акань.

Агнюшалы мам-батъыс козьналісны акань. Нывка радейтö Машук нима аканьöс. Анна чойыс вурис выль платтьö. Агнюша пасьтöдіс аканьсö, шыльöдіс сылысь юрси-сö. Рытнас нывка вольсалис небыд вольпась да водтöдіс аканьсö крöватьö:

– Бур вой тэныд, Машукöй!

- Висьтав, кыдзи Агнюша ворсö аканьöн.



? **6 удж.** Лыдды Н. Щукинлысь нөдкывъ-яссö да помав.

1. Быдмö баблөн керка дорас
Гырысь, юмов, чöскыд кöрыс.
Öти здукөн тыртан доз.
Шусьö сійö град выв
2. Овлö уна вөр ді пöлөн,
Гöрд тусьяса дзик быд роз.
Чöскыд сійöс сейны йöлөн.
Дерт жö, тöдан, тайö

? **7 удж.** Лыдды нөдкывсö да тöдмав.

Олö сійö парма шöрын,
Джуджыд козъя пемыд вöрын.
Тяпкö сійö сэтөн чöd,
Вомыс ставнас овлö сьöd.

Сиктлань волö сёйны зөр,
Радейтö зэв юмов көр.
Арнас гуö водö гусьон,
Сэссия төвбыд сэтөн узьö.
Тулыснас сэсь петö бөр.
Некор некытчö оз вош
Тапикасьысь ыджыд

Е. Тараканова

8 удж. Лыдды кывбурсö.

Ош.

Коз пу вылын – лым, лым,
Коз пу улын – лым, лым.
Гөгөр лымйөн тырöма,
Ошкыс гуö пырöма.
Төвбыд узьö, вой и лун, –
Энö торкөй ошлысь ун!



9 удж. Лыдды мойдлысь заводитчöмсö
да помав.

Пармаын оліс-выліс Варгыль нима ош.
Арнас сійö коз пу улö кодйис гу. Сэтчö ваяліс
лыс. Пырис Варгыльыд гуас да водіс узьны.



10 удж. Лыдды У шыпас йылысь кывбур.

У шыпасыд – пулөн ув.
Урлы тайö зэв бур тув.

- Лөсьöd ур йылысь кывбур.

? 11 удж. Лыдды нöдкывсö да помав.

Пуысь пуö чеччö-лэбö,
Бöжыс пушыд, куыс бур.
Тшак кө сюрас, пыр и дзевас,
Тайö тэрыб кока

Н. Щукин

- Мый отсаліс тöдмавны нöдкывсö?
- Лөсьöd ур йылысь нöдкыв.

12 удж. Лыдды кывбурсö колана ногөн.

Ур.

Вөрын, коз пу йылын,
Йөктө-ворсө ур.
Юрыс гөгрөс сылөн,
Бөжыс лышкыд, бур.
Лапсянь лаптө чивк да чивк,
Пусянь пуө тривк да тривк!

В. Лыткин



Лышкыд – абу скуп.

- Кутшөм кывъясөн серпасалөма кывбур-ас урсө?

- Кутшөм серпас сувтис син водзад ур йылысь кывбур лыддигөн?



13 удж. Лыдды нөдкывсө да төдмав кык кыв.

Сійө увтасінысь кайө,
Көні эмось тыяс, ёльяс.
Бөрөн лыддян: өдйө-өдйө
Пуө кайө, сөйө кольяс.

Г. Юшков



Ёль – вөрті визувтысь ичөтик шор.



14 удж. Лыдды йөзкостса примета.

Коль кө уна артмөма, ура во лоө.



15 удж. Лыдды И шыпас йылысь кыв-
бур.

Дзиръя бара жугалöма,
Пöвтор вомön тувъялöма.
Дзиръя шöрас пöлöс пас –
Дивö: артмис И шыпас!

? 16 удж. Лыдды нöдкывсö да тöдмав.

Зэв кузь ныра, тэрыб кока,
Нюр кöть, лос кöть, мунны письтö.
Нора горзö вадор бокын,
Лэбачыслөн нимыс

Н. Щукин



Лос – увтасінын вутшка васöд видз.

17 удж. Лыдды кык висът да орчöд.

Кулик-истан.

Ме лэчи купайтчыны. Друг туй вылас ме водзё петіс истан. «Ку-у-вик! Ку-у-вик!» – горөдіс лэбач.

Дыр видзөді истан вылө. Нырыс сылөн кузь, вөсни кока, мышкыс лыа рөма, кынөм улыс еджыд, бөжыс еджыд визьяса.

С. Раевский



Истан – тэрыб вөраса да повтөм лэбач. Сійө поздысьö юяс да тыяс дорö. Лэбач мед-ся ёна радейтö изья берег. Позсö вöчö тшöкыд кустьяс улö, косінö. Куст улас кодйыш-тас гутор да вольсалас сэтчö корьяс. Тані и чужтö-быдтö пиянсö.

- Кутшөм серпас сувтіс син водзад истан йылысь лыддигөн?
- Лөсьөд истан йылысь висът.



18 удж. Лыдды **i** шыпас йылысь кывбур.

Мазі лэбө: «Зі-зі-зі!»

Зіб со сулалө тані.

Мазі зіб йылын: «Зі-зі!» –

Со и артмис чута **i**!

? 19 удж. Лыдды нөдкывсө да төдмав.

Видз вылысь муртса лысваыс косьмас,

Дзоридзьяс пөвстас сійө нин ноксьө.

Мый сійө корсьө, жужгө лунтыр?

Төдан он, Машук, ичөтик ныв?

Н. Куратова

- Мый отсаліс төдмавны нөдкывсө?

20 удж. Лыдды кывбурсө ньөжйө да го-
раа, сэсся тэрыба да лөня.

Мазі.

Гожомын кө йөрө пыран,
Турун пиысь зыньгөм кылан.
Коді бөрдө, коді сәні?
Мазі вочавидзас тэныд.



21 удж. Шуав тэрыба.

1. Уна кө мазі – уна и ма.
2. Ма-ма-ма! Ма-ма-ма!
Мазі вайө чөскыд ма.
3. Зи-зи-зи! Зи-зи-зи!
Менө чушкис чушканзи.
4. Дзоридз весьтын чушканзи,
Кывзöй сылысь зыньгөм шы:
Зи-зи-зи! Зи-зи-зи!



22 удж. Лыдды **Ы** шыпас йылысь кыв-
бур да орчөд серпасыскөд.

Небыд паслөн доймö кок,
Беддён ветлö: «Ок-ок-ок!»
Шыпас горзö: «Ы-ы-ы!» –
Со и артмис шыпас **Ы**.

23 удж. Лыдды кывъяссö.

ытва – ..дор

ывла – ас..

24 удж. Аддзы паныд вежöртаса кывъяс.

асыв	кыз
вöсни	рыт
дыр	кын
сыв	регыд

асыв – рыт

? **25 удж.** Лыдды нөдкывсө да помав.

Төвнас гидын сөйө турун,
Кепысь вылө сетө вурун.
Кокъяс помас вожа гыж.
Код нө эськө тайө? ...

Е. Тараканова



? **26 удж.** Төдмав юржугланъяс.



27 удж. Лыдды кывбурсө.

Асыв пырас мян расө,
Сийөс вежас рыт.
Воддзаыслы: – Шуда асыв!
Мөдыслы: – Бур рыт!

С. Попов

- Кор йөзыс шулөны: «Бур асыв!», «Бур лун!», «Бур рыт!», «Бур вой!» кывъяссө?
- Кутшөм вежавидзана кывъяс тэ төдан?



28 удж. Лыдды Э шыпас йылысь кывбур.

Ышмöма со шыпас Э,
Кывсö нюжöдöмөн нерсьö:
«Э-э-э!»

29 удж. Лыдды Эжва йылысь кывбуръяс.

Эжва, Эжва, визув Эжва,
Коми парма юй!
Уна ёльлысь сöстöм васö
Саридзö тэ нуан.

Г. Юшков

Эжва юй, шондйбанöй, –
Коми мулön сьöлöмшöр.
Мам кодъ овывлан тэ шаньöн,
Видзöдласыд абу скöр.

А. Некрасов (Гамса)



Саридз – море.

30 удж. Лыдды В. Лыткинлысь кывбурсö.

Бадьяс вомён, видзьяс вывті,
Джуджыд керöс дорті
Паськыд Эжва лönя кывтö,
Посни гынас ворсö.

- Кутшöм серпас сувтіс
син водзад Эжва ю йылысь
кывбур лыддигөн?



Керöс – вывтасін.



31 удж. Лыдды гижöдсö.

Эжва юлön нимыс артмö-
ма **эж** да **ва** кывъясысь.

Ю заводитö кузь туйсö шорсянь. Тулыснас
Эжва ойдö, паськалö. Торъя нин гажа тайö
ю дорас гожöмын. Уна нэм чöж Эжва от-
сасьö йöзлы. Радейтöны тайö юсö сы бокын
олысь коми йöз.

- Мыйла Эжва юсö таdzi шуöмаöсь?
- Кыдзи Эжва ю отсасьö йöзлы?






? **32 удж.** Лыдды А. Ванеевлысь нөдкывсө.

Вөр-ва весьтө өшөдчывлө
Уна рөма югыд мегыр.
Сөмын, кор тай пемдас ывла,
Мича мегыр вошө регыд.

• Төдмав нөдкывсө. Кыдзи тэ гөгөрвоан:
«Уна рөма югыд мегыр»?


 **Мегыр** – гөгрөса кусыньтөм вөв доддялан
пу көлуй.




33 удж. Лыдды кывбурсө да орчөд нөд-
кывкөд. Серпасав мича өшкамөшка.

Өшкамөшка, мегыр пос,
Зэр оз ков, ме абу кос.
Мөдөд югыд шонді,
Челядьөс тшөтш шонты.

34 удж. Лыдды мойдсö. Висьтав **О** да **Ö** шыпасъяслысь да шыяслысь öткодълунсö да торъялöмсö.

Кызди Шыпас грездö овмöдчис  шыпас.


Öтчид  шыпас мунис вөрö оз вотны. Шыпасыд чуман тыр кисьмöм чöскыд озтö вотис.

Шыпаслысь долыд здуксö торкис зэр. Ывлаыс пемдис, кыпöдчис ыджыд тöv. Вöрын шувгисны-качласисны пуяс. Шливöбтис-зэрмис.  шыпасыд зэрысь дзевсис коз пу улö. Ыджыд тöлыд весиг гылöдис пу вылысь кольсö.  шыпас вылö шнёпкысис-усис кык коз коль. Шыпасыдлөн юрас чеччыштис кык йög. Воис  шыпасыд гортас, видзöдлис рөмпöштанö да пыр жö казялис ассьыс вежсьöмсö.



Со тадзи Шыпас грездö овмöдчис  шыпас.



 **35 удж.** Лыдды гижөдсө да висътав ниа йылысь.

Ниа – аслыспөлөс пу. Сылөн лыскыс небыдик, оз чуткась. Тайё пуыс быдмө ыджыда. Гожом чөж гажөдө ывласө веж мича рөмнас. Арнас пасьталө виж сарапан да пөртмасьö зарни рөмөн.

 **36 удж.** Лыдды висътсө да помав.

Лавкаысь ворсөм.

Нина да Инна радейтöны ворсны лавкаысь. Нина – вузасьысь, Инна – ньöбасьысь.

- Бур лун, Нина!
- Бур лун! Инна, мый тэ ньöбан?
- Ме ньöба
- На тэныд
- Аттьö!

 **37 удж.** Сёрнитышт аслад ёртыдкөд радейтана ворсөм йылысь.

 **38 удж.** Лыдды нөдкывсө да төдмав.

Ем кодь вөсни сылөн ныр.
Лэбалігас дзизгө пыр.
Кузь ныр помас сылөн вом.
Төдан, коді тайө?


Е. Тараканова



39 удж. Лыдды тэрыба.

Ном, ном, вөсни кок,
Миян дінын тінгы лок!

В. Грабежова

 **40 удж.** Төдмав кывъяссө. Кывъяс пөв-стысь аддзы лөсявтөм кыв.

1. Му пытшті веглясьөмөн кыскасыйсь кузь гаг.

2. Бордъя, вөсныдик кузь тушаа, аслыс-пөлөс шумөн лэбалысь гаг.

3. Небыд лыска пу.



? **41 удж.** Лыдды нөдкывсө да төдмав.

Котшөдчө, оз мудз,
Сэтшөм сылөн удж.
Вөрын узьё-олө,
Пучөй сылы колө.

42 удж. Лыдды П. Бушеневлысь кывбурсө.

Сизь.

Гөрд шапкаа варов сизь.
Сизьдө пуө – дизь да дизь!
Пөсялөма сылөн мыш –
Уджач лэбач, абу дыш.
Бытьё көрт тув, нырыс ёсь,
Регыд артмас джуджыд розь.

- Кутшөм серпас сувтіс син водзад сизь йылысь кывбур лыддигөн?

• Мыйла сизьӧс шуӧны вӧр бурдӧдысь лӧбачӧн?

43 удж. Лыдды кывпесансӧ тӧрыба.

Пуыс сись, пуас сизь.

Пусӧ сизьдӧ, розьыс письтӧ.

Г. Юшков

44 удж. Лыдды висьтсӧ.

Сизь – тӧвйысь вӧрса лӧбач. Олӧ пожӧ-ма вӧрын. Гожӧмын сӧйӧ гагъясӧс. Арнас килльӧ коль кӧйдыс. А тулыснас розьӧдӧ кыз пулысь сямӧдсӧ да чӧсмасьӧ зараваӧн.

- Кӧнӧ олӧ сизь?
- Мый сӧйӧ тайӧ лӧбачыс гожӧмын, арын да тулысын?
- Тӧдмав, кыззи сизь корсьӧ кынӧмпӧтсӧ тӧвнас.



Килльыны – кӧйдыс перъявны.



45 удж. Тӧдмав.



С-ӧн вуджӧ ёль вомӧн,

З-ӧн шыр да руч сӧнӧ – ас чомйын.



46 удж. Лыдды кывъяссö да тöдмав слог лыдсö.

кос		ас		кус
косін		аски		кусö
косінын		аскиа		кусны

47 удж. Артмöд кывъяс да лыдды.

аски – ки + ык =
кöк – к + ин =



48 удж. Лыдды нöдкывсö да тöдмав.

Ачыс сөйöма и пöт,
Пиян йывсьыс нем оз тöд.
Гашкö, шуд, а, гашкö, рök,
Тадзи олö позтöм

З. Шиликова

49 удж. Лыдды кёк йылысь гижөд.

Миян пармаын оло кёк. Кёклөн мышку-
ыс пöим рöма да пемыд визьяса. Лэбачлөн
бöжыс руд, кузьмös, сьод серьяса, бöж помыс
еджыд. Син гөгöрыс виж, нырыс сьод.

50 удж. Лыдды висьтсö.

Мудер лэбач.

Сёрнитігтыр мама-пия мунісны ордым-
лань. Көнкө ылын кыліс кёкөм: «Кёк-кө!
Кёк-кө!» Ванялы окота лой матысяньджык
кывзыштны лэбачыслысь кёкөмсö.

– Мамö, гашкö, матын тасянь кёкыдлөн
позйыс? Вай видзöдлам! – нуödчис пиыс.

– Ванюк, öдвакö сюрас миянлы кёкыд-
лөн позйыс. Сійö öд некор оз вöч позсö, –
тöдчöдіс мамыс да водзö висьталіс: «Кёкыд –
зэв мудер лэбач. Тулыснас корсьö кольк
тыра лэбач поз. Сэсся öти кольк жугöдö да
чöсмасьö. А жугöдöминас асьыс пунктö. Со
тадзи йöз лэбач позйын и чужö кёкпиыд».

– Кутшöм чорыд сьölöма тайö лэбачыс! –
дивитыштіс позтöм кёкös зонка.

• Кызди тэ гөгöрвоан мамыслысь кывъ-
яссö: «Кёкыд – зэв мудер лэбач»?



51 удж. Лыдды М шыпас йылысь кывбур.

М шыпас кодъ качай вылын
Машук качайтчö да сьылö:
«Ма-мо-му-ме-мы-ми-мö!»

52 удж. Лыдды А. Ванеевлысь кывбурсö.

Сюрук.

Мöсным еджыд сюра,
Нимыс сьлөн Сюрук.
Дöзьöрита бура,
Сета ва и турун.
Сюрук овлö шуда,
Кольöда кö лудö.
Йирсянінысь каяс –
Йöвсö уна ваяс.
Пöта чöскыд йöлысь –
Унмовся ме вöлись.



53 удж. Лыдды нөдкывсө да төдмав.

Төвбыд карта пытшкын олө,
 Гожөмнас – куш узыны волө.
 Эз кө видзанторйыс вөв,
 Эн и сөйлы нөк ни йөв.

Н. Щукин



54 удж. Лыдды Анналысь висьталөмсө.

Сюрук.

Миян эм Сюрук нима мича да рам мөс.
 Сийө сьод рөма, сөмын бокыс еджыд. Сюрыс
 кузь да ёсь. Та вөсна сийөс и нимтам Сюрукөн.

Сюрук – миян вердысь. Рыт и асыв сийө
 юктөдө миянөс чөскыд йөлөн. Ме сийөс зэв
 ёна радейта!

- Кызди гөгөрвоан: «Сюрук – миян вердысь»? Дасьты мөс йылысь висьт.

55 удж. Шуав тэрыба.

Сюрук лунтыр йирсис йөрын,
 Вердас бара чөскыд йөлөн.
 Локтө гортө, оз ков корөм,
 Ылісянь на баксө гора:
 – Му-му-у! Му-у-у!



56 удж. Лыдды З шыпас йылысь кывбур.

З шыпасыд зі моз
Лэбӧ-дзизгӧ: «З-з-з!»

57 удж. Лыдды слогъяссӧ.

са	◆	со	◆	су	◆	сэ	◆	сӧ	◆	сі	◆	си
за		зо		зу		зэ		зӧ		зі		зи

за	◆	зі	◆	зо	◆	зы
аз		из		оз		зу

- Лыдды сӧмын кывъяссӧ.
- Слогъяс дінӧ содты шыпас да артмӧд кыв.

? 58 удж. Лыдды да тӧдмав нӧдкывсӧ.

Менӧ ёна чуксалӧны,
Менӧ ёна виччысьӧны,


А кор локта, ставөн – гузь!
Пышйö меысь, быдөн сюсь.

Н. Куратова

59 удж. Велöдчы лыддыны тэрыба.

Зэрö көть оз,
Коз улын кос.
Медся кыз увъяс
Чушканзі поз.

Г. Юшков



60 удж. Лыдды нөдкывсö да помав.

Абу мös, көть сетö йöv,
Көть и гидын олö тöv.
Тшöка улас быдмö тош,
Гортсö тödö – оз-ö вош.
Гöныс кузь, көть кы тэ көса.
Төдан, кодi тайö?

Е. Тараканова

61 удж. Лыдды да инды öшыбкатөм сёр-
никузя.

1. Зина кыскö көзакöd.
2. Зина кыскö көзаös.
3. Зина кыскöны көзаös.



62 удж. Инды лөсявтөм шыпас.



63 удж. Сетөм шыпасъясысь артмөд кывъяс.



64 удж. Лыдды сөмын кывъяссө.

Ро, ком, ныс, кор, кыс, мө, рөз, сын, мө.

65 удж. Лыдды слогъяссө да артмөд на-
ысь кывъяс.

сы	мөр
кы	рыс
на	нан
нө	мыр





66 удж. Лыдды да висьтав рака йылысь.

Рака.

Гожомнас ракаяс олөны коръя вöрын.
Төвнас найö матыстчöны йöз оланинö. Ракаяс
өктöны керка гөгöрысь сёян шыблас. Войнас
узьöны пуяс вылын. А асывнас бара нин
сёянтор корсьöны.

А. Ракин серти



67 удж. Лыдды нöдкывсö да тöдмав.

Ветлигас нэм чöжыс
Туйбөр чышкö бöжыс.

Ю. Попова



68 удж. Тöдмав кык кыв.

Ворсигчöжыс тайö кывсö
Унаысь ме шула тэд.
Бөрөн лыддыны кö, лоö
Вöрын олысь мудер звер.




69 удж. Кутшөм шыпасъяс тані дзебсьо-
маось?

К Ш

Ш р

Ш М

 **70 удж.** Кутшөм шыпасъяссыс серпаса-
лөма Шур нима шырсө?



? 71 удж. Лыдды нөдкывсө да төдмав.

Йирө пиньнас туис пыдөс,
Пышйөдлө да сөйө шыдөс.
Розысь петавлывлө пыр
Вөсни бөжа дзоля

Е. Тараканова



72 удж. Лыдды шырпи йылысь кывбур.

Шырпи.

Шырпи төдө ассыс удж,
Йирө ящик – гудж, гудж, гудж.
Сэни чөскыд преник тырыс,
Кодысь гажыс ёна бырис.

В. Лодыгин

• Лөсьөд Шур нима ышмөм шыр йылысь мойд.

73 удж. Велөдчы шуавны тэрыба.

Лым улысь тыдалө
Сьөд сирөд мыр.
Сы гөгөр полігтыр
Котралө шыр.

Г. Юшков





74 удж. Лыдды лөня, сэсся гораа.

бур – бор – бөр бус – буса – бустом
би – биа – битом бу – бус – брус

? 75 удж. Лыдды да төдмав.

Мича дзоридз босьті киö,
Видзöда: со ловъя сійö!
Мый нö тайö? Код нö сэні?
Бордъяс паськөдөмөн лэбзис.

76 удж. Лыдды кывбурсö.

Бобув.

Зэрысь дзебис менö кобув.
Пукалис сэн сера бобув.
Бобув тожö зэрысь полис,
Сы вöсна и кобув коліс.



Кобис зэр, и шонді петіс,
Меным вöля мунны сетіс.
Бобув дзоридз вылö пуксис,
Аслас шудöн мекöд юксис.

Ю. Васютов



Кобув – зэрысь дзебсянін.
Кобис – дугдіс зэрны.



77 удж. Содты кывъяс да лöсьöд кывбур.

Бобув.

Зэрсъыс дзебис менö ... ,
Сэтчö пырис тшöтш и
Пельпом вылын бордсö ... ,
Менö шемöс весиг

В. Лодыгин

Отсöг кывъяс: **бобув, кобув, босьтіс, восьтіс.**



78 удж. Лыдды пон йылысь кывбур. Сер-
пас серти висътав Буско пон йылысь.



Буско оз нин мекöд дур,
Пельыс чош, и вылын юр.
Бытьö тöдö ассьыс дон –
Лоис тöлка кыйсян пон.

А. Мишарина



79 удж. Лыдды кывъяссö.

дор → дорын → дорыш → дорса

дöм → дöмас → дöмöм → дöман

дöра → дөрöм → дөрöма

дыш → дыша → дышиник → дышмыны

дас

дасöн



дум

думöн



дін

дінын



дон

дона



80 удж. Тöдмав нöдкывсö да помав.



Гожöмбыд оз ковмыв сійö.

Тöвнас тöвзян сы ни садь.

Овлö – нуас тола пиö,

Тайö ислöдлысьыс

Н. Щукин



Сы ни садь.

? **81 удж.** Төдмав кык кыв.

Т-өн дзурс – лым пиё пырис,
Д-өн шыд чугунё сюрис.



? **82 удж.** Лыдды 5 кыв.

Д					
Д					
Д					
Д					
Д					

83 удж. Лыдды некымын кыв.

Зорөд – зөр, зор, ..., ..., ... , ..., ...

Дозмөр – оз, доз, ..., ..., ...

🍌 **84 удж.** Лыдды шусьөггьяссө да гөгөрвоөд найөс.

1) Дышлы пыр кык мыш. 2) Дыш мортлы пыр аски да аскомысь. 3) Гатш куйлөмөн кынөмыд оз пөт.

• Шусьөггьясыс ошкөны али дивитөны дышсө?



85 удж. Лыдды Т шыпас йылысь.

Тарас лабич вöчö: «Туки-туки-ток!»
Отсасьö зэв зiля сылы мөлöt-ёрт.

86 удж. Лыдды да орчöд кывъяссö.



тар
тор
тыр
тыш

дар
дор
дыр
дыш



87 удж. Лыдды кывъяссö. Гөгөрвоöd
тöдтöм кывъяслысь вежöртассö.

таб
тар
тас

тор
том
тош

тув
туй
тун

тыв
тыр
тыш

88 удж. Артмөд выль кывъяс да лыдды.

том + ан + а =

төд + са + ин =

төд + төм + тор =

төв + ла + дор =

туй + бөр =

том + дыр =

төв + ру =

та + лун =

89 удж. Содты колана кывъяс да лыдды сёрникузяссө.

Тарас (мый вөчө?) _____ .

Тарас _____ турун.

Тарас _____ (кутшөм?) _____ турун.



90 удж. Лөсьөд сёрни. Гөлөсөн торйөд колана кыв.

– Тарас куртө **турун**?

– Да,

– Тарас **тэрыба** куртө турунсө?

– Да,



91 удж. Төдмав Николай Щукинлысь нөд-кывсө да помав.

Нырыс кузь и кокъяс кузьось.

Сувтас вутш бердө и узьө.

Веськодъ сылы – ва кө нюрыс,

Нимыс лэбачыслөн



92 удж. Лыдды кывъяссö. Висътав, кымын слог быд кывйын.

ва	вөр	асыв	кыв
васöд	вöрса	асыввыв	кыввор
васöдін	вöраин	асывбыд	нöдкыв

93 удж. Артмöд да лыдды некымын кыв.

Увтас – ув, тас, ..., ..., ...

Кöрым – көр, мыр, ..., ..., ...

94 удж. Лыдды вит кыв да гөгөрвоöд налысь вежöртассö.

зара
лыс
син
рысь
дуль



зарава

 **95 удж.** Төдмав нөдкывсө да помав.


Сійөс кө тэ вердан бура,
Ваяс пес и ваяс турун.
Он кө повзы – вылас сөв,
Тэнө төвзёдас бур

Н. Щукин

- Мый отсаліс төдмавны нөдкывсө?
- Кыдзи гөгөрвоан **төвзёдас** кыв?

96 удж. Шуав тэрыба да петкөдлы.

Вөлөй, вөлөй, зіля ну!
Воим гортө – тпру!

 **97 удж.** Лыдды Альберт Ванеевлысь кыв-
бурсө да висьтав вөв йылысь.

Вөв.

Чужан сиктын менам эм
Радейтана вөв.
Сійө менө виччысьö:
Ме вылө пө сөв.
Збыльысь, вөлыс-чибукыс
Медся матыс ёрт:
Гөрдлө гора, нимкодя,
Менө аддзас кор.



98 удж. Корсь öткодъ шыпасъяс. Кольöм шыпасъясусь артмöд кыв.

Й	к	з	д	в	р	б	з
в	т	ö	б	т	к	д	а

? 99 удж. Лыдды Н. Щукинлысь нöдкывсö.

Лоö медся ыджыд зверön,
 Олö-вылö парма-вöрын.
 Дойдан – асьтö дойдны вермас,
 Тайö гөрба ныра

100 удж. Шуав тэрыба.

Йöра юрысь Сэсся сюрыс
 Усис сюрыс, Нюрысь сюрис.

Г. Юшков

101 удж. Лыдды кывбурсö.

Йöлöга.

Горöдан кө тэ: – А-у!
Кылан сэк: – А-у! А-у!
Код нö нерсьö? Йöлöга.
Вот мый тайö вöлöма!



102 удж. Лыдды.

Йöлöгаысь ворсöм.

Шыпас грездын ыджыд да ичöt шыпасъяс ворсісны «Йöлöгаысь».

А	акань	а	кань
О	озыр	о	зыр
Э	эмбур	э	бур
Ö	öгыр	ö	гыр



103 удж. Лыдды кывъяссö да ворсышт ёртыдкöд шыпасъяс моз.

Увтас, мазі, кань, гар, нэм, бур, тош, гыж.

- Вайöд некымын кыв, медым позис ворсны «Йöлöгаысь».



104 удж. Лыдды кывъассö.

паз		пож		пöв		пуд
пай		пом		пöк		пув
пар		пос		пöч		пуж


105 удж. Лыдды кывъассö да орчöд.
Инды налысь öткодьлунсö да торъялöмсö.

пас	→	пасйöм	→	пасйыны
пом	→	помалöм	→	помавны
пос	→	посйöм	→	посйыны
пөр	→	пөрöд	→	пөрны
пык	→	пыкöд	→	пыкны

106 удж. Инды слогъяс пиысь кывъяс.

на		но		ну		са		со		су
за		зо		зу		ва		во		ву
па		по		пу		ма		мо		му

107 удж. Артмөд вит кыв, гөгөрвоод
артмөм кывъяслысь вежөртассө.

1.  + пом = ...

2. пон +  = ...

3.  + оз = ...

4. ош +  = ...

5.  + пув = ...

108 удж. Быд кывйысь босьт торйөдөм
шыпас да артмөд выль кыв.

пув тар ур мырпом намыр

? **109 удж.** Лыдды нөдкывсө да төдмав.

Вөралысь кө муно вөрө,
Сійөс век нин босьтө сьорас.
Быдтор аддзө, кылө дук,
Мортлөн сійө медбур друг.

Н. Щукин

110 удж. Лыдды тэрыба.

Пөрысь понлы кань Понйыд абу бөб,
Вөзйис потөм пань. Паньтө эз и ньөб.
Г. Юшков



111 удж. Лыдды Л шыпас йылысь кыв-
бур.

Л шыпас кодъ лэбув вöчим.
Тöv кежлас ми кос пес тэчим.



Лэбув – пес видзанін.

112 удж. Лыдды слогъяс.

ла	❖	ло	❖	лу	❖	лэ	❖	лі
ля		лө		лю		ле		ли

113 удж. Орчöд гижöдъяссö.

л . п к . р		. а . . о .
л . б . в		. э . у .
л . д п . с		. ы . . а .
л . в п .		. о . . у

• Лыдды 4 кыв да гөгөрвоод налысь вежөртассө.

114 удж. Кутшөм слогъяс вошисны кывъ-яссыс?

Ис . . лө, кы . . ны, кы . . лис, рад . . ны.



? **115 удж.** Лыдды нөдкывъяссө да төдмав.

Быттьö мян весьтын, ылын,
Керасьöны енэж вылын:
Быд во арнас ыб и яг
Вевттьö гөн кодъ еджыд чаг.

А. Ванеев

* * *

Локтас – зонпоснилы любö,
Мöсъяс оз нин мунны лудö.
Кокъяс улын яра сьылö,
Мунигас син водзад сылö.



Ыб – вывтас му, вылысін.

116 удж. Лыдды мичаа Василий Лыт-кинлысь кывбурсö. Кутшөм серпас сувтис син водзад медводдза лым йылысь лыддигөн?

Медводдза лым.
Ывлаыс еджыд,
Ылаыс югыд:
Усьома небыдик лым.
Небыдик гөн кодь,
Кокныдик төв кодь:
Төкөттьө му бердас инмө.



117 удж. Лыдды гораа, а сэсся лөнъджы-
ка да меліа.

Лыжи вылын.
Кокъяс улын дзуртө лымйыс,
Ывлавылын көдзыд.
Сөмын меным лыжи вылын
Иславны зэв лөсьыд!

В. Ширяев

• Лөсьөд лыжи вылын ислалөм йылысь
висьт.

118 удж. Велөдчы лыддыны тэрыба.

Лымйыс сапкө, төлыс тшапкө.

Киö – кепысь, юрö шапка.

Кокö – гынкөм, вылö – пась,

Ывлавылö петны дась.



119 удж. Орччөд кык лыммортөс. Мыйөн найö öта-мөдсьыс торъялөны?





120 удж. Лыдды Е шыпас йылысь кыв-
бур.

Куртигөн кө ёна дуран,
Куим пиня кольö куран.

121 удж. Лыдды кывъяссö, артмöд кыв-
тэчасъяс.



 **122 удж.** Лыдды шусьöгъяссö.

1. Буртор вöчöмыд кык олöм олö.
2. Аслад керкаыд век лöсьыд.
3. Быд бур көсьйöм колö пöртны олöмö.

4. Өтүвъя удж век ёнджыка содö.
5. Бур вевт улын быдтор олас.
6. Кöнi удж, сэнi и шуд.


- Гөгөрвоöd шусьөгъясылысь вежöртас-сö.

- Кутшöм шусьөг лöсялö «Анбурын» сетöм «Керка лэптöм» висът дорö?

 **123 удж.** Комиöd кывъяссö да орчöд серпаскöд.




жаворонок



небо




груздь



божья
коровка

Отсöг кывъяс: **енгаг, енкай, енэж, ельдöг.**

 **124 удж.** Лыдды Альберт Ванеевлысь нöдкывсö да тöдмав.

Ачыс эськö ичöt,
Но мед вöлiн мича,
Сылөн ёсь да югыд йылыс
Паськöм дорад инмöдчылис.



125 удж. Төдмась выль шыпаскөд.

Р шыпасыд сувтіс юр вылас:
Пыр жө лои **небыд пас.**

126 удж. Лыдды кывъяссө да висьтав,
кор гижсьө кыв помын **Ь.**

дь: дадь, додь, бадь, бедь

зь: пызь, кизь, лызь, визь, кузь, сэзь

ль: коль, пöль, выль, зіль, тупыль

нь: кань, пань, вöнь, пинь, шань

сь: пöсь, кепысь, корöсь, пелысь

ть: бать, көть

127 удж. Лыдды тэрыба.

кань → каньпи → каньпийн → каньпийнлөн
пась → паськөм → пасьтасис → пасьтасисны

? **128 удж.** Лыдды Юстина Поповалысь
нөдкывсö да төдмав.

Пасьöй менам шоныд,
Бөжöй менам кузь,
Кок шытөг ме ветла,
Гөна пельöй сюсь.

Мольöдан кө – мойда,
Дөзмөдан кө – дойда,
Лэчыд менам гыж.
Пиньöй абу ныж.

129 удж. Шуав тэрыба.



Куим каньысь шыр оз пов,
Он кө эскы, оз и ков.

Г. Юшков



130 удж. Лөсьөд кань йылысь кывбур.

... .. дыш,
... .. гыж.
... .. кашник нөк,
... .. чери пөк.



Нөк кашник – сёйысь вөчөм дозмук;
рочөн: горшок для сметаны.



131 удж. Содты кывъяс да лыдды.

гөн ❖ гуг ❖ гар ❖ гоз ❖ гут
 көн ❖ кук ❖ ... ❖ ... ❖ ...

- Орччөд кывъяссö.

132 удж. Лыдды кывъяссö.

лы . р . т г ы .
 с ы р

1	2	3	4
ö	г	ы	р

2	3	1	4
		?	

133 удж. Лыдды да содты нимъяс.

Гут-гаг – мазі, енгаг, гут, ... , ...,



Енгаг – гөрд, виж либö еджыд вылын сьöd чутъяса гаг; рочөн: божья коровка.

134 удж. Бөрйы лөсялана кывъяс да лыдды кывтэчасъяс.

гырысь	көин
гудыр	асык
горш	гөлөс
гөгрөс	чери
гора	ва

гырысь чери



Асык – көрт либө пластмасса гөгыль.

135 удж. Бөрйы кывъяс да артмөд сёрни-кузяяс.

Кань Ном Гы Төв Гым

Отсөг кывъяс: **шувгө, gryмакылө, кургө, тиньгө, ызгө.**

136 удж. Содты колана шыпасъяс да лыдды кывъяссө.

Г □ р

Г Ы □

Г Ö □



137 удж. Лыдды йөзкостса приметаяс.

Гораа кө йөлөгаыс кылө, зэрмас.

Ном кө уна петөма, регыд шондодас.



138 удж. Лыдды кывъассö.

яг	ямны	яр	ясыд
ягвывса	ямöм	ярмöм	ясыда
ягдорса	ямöмин	ярмыны	ясыдмыны



Ямны – чинны, бырны (ва йылысь).

139 удж. Артмöд кывъяс да лыдды.

бедь – беддя ❖ тупыль – тупылявны
гадь – ... турбыль – ...

ті – тіян ❖ пу – пуяс
ми – ... му – ...

140 удж. Содты слогъяс да лыдды нимъяс.

Ви..., Ко..., Пе..., Ми...,
Ка..., О..., Ва..., Га... .



? **141 удж.** Лыдды нөдкывсө да төдмав.

Ичөт керка вөчис дедө,
Ме тшөтш отсаси и бабөй.
Лэптім зіб вылө, сэн медым
Овны кутас сьылысь

Н. Щукин



Зіб – вөсни кузь бедь, зор.



142 удж. Лыдды Вячеслав Бабинлысь кывбурсө.

Ябыр поз.

Вөчим ябыръяслы поз,
Пелькиник скворечник.
Пуктім кыз пу бердө пос –
Позсө лэптім сэтчө.
Кор скворечник аддзис ин,
Пышкай кыськө жбыргис.
Донъяліс выль оланін
Ыкша пышкай дыркодь.



Ыкша – асьсө вылө лэптысь, баквал.

- Висьтав, кызди вөчисны ябыр позсө.
- Мый вермис лоны пышкайкөд?




143 удж. Лыдды кывъяссö.

юр	ю	югыд	юөр
юрлöс	юан	югдöм	юörter
юралысь	юантор	югдыны	юörterны

144 удж. Артмöд коми кывъяс да орчöд роч кывъяскöд.

заты́лок
па́мьятъ
столи́ца
венóк
поду́шка
заголо́вок
во́лос
райце́нтр



145 удж. Лыдды кывъяссö да лосьöд кывтэчасъяс.

юрган	рöм
югыд	кампет
южмöм	гöлöс
юмов	туй

юрган гöлöс



Южмöм – топалöм, талялöм.



146 удж. Тöдмав кывъяс да гөгөрвоöd вежöртассö.



147 удж. Лыдды нöдкывсö да тöдмав.

Борднас шпорöдчыштö кодкö,
Ачыс дзык жö вертолёт кодь.
Лэбас, сувтас, но оз усь,
Тайö, дерт жö,

Н. Щукин

148 удж. Лыдды юсь йылысь текст-серпас.

Юсь – зэв гырысь да мича лэбач. Шев-гöдöм бордыслөн шеныс овлö кык да джын метра пасьта. Лэбигас юсь кусыньтас коксö,

нюжодас да веськодас сьы-
лісö. Лэбö ньöжйöникön,
гежөдика öвтчö борднас.

Ачыс дзик еджыд, ныр
помыс сöмын сьöd. Синмыс
пемыдгöрд. Ок и мича лэбач!



З. Прошева серти

• Кутшöм серпас сувтис син водзад юсь
йылысь лыддигön?

149 удж. Лыдды гижөдсö. Инды приме-
талы лöсялана сёрникузя.

Юсьяс лунвылö лэбöны сёрön, йирым
тöлысь помас. Оз öд прöстö шуны: лэбöны
пö юсьяс да борд выланыс тöv вайöны.
Юсьясыд – шоныд муясö лэбысь медбөръя
пötкаяс. Юсьяс лэбöм бöрад кöдздöдö.



Йирым тöлысь – октябр.



150 удж. Лыдды приметасö да гөгөрвоöd
сййös.

Юсь вуджö, лым вайö бöж йылас.

151 удж. Лыдды кывбурсö. Мыйла юр-
сигусьсö гижысьыс шуöма вертолётön?

Вертолёт.

Жбыргö-лэбö вертолёт,
Кöть и абу сэн пилот.
Ачыс ичöтик да чож,
Некор некытчö оз вош.
Пуксьö, кöни бур и лёк.
Эз и чеглы винт ни кок.
Кöть и тövзьыяс – оз усь,
«Вертолётыс» – юрсигусь.

В. Лодыгин



152 удж. Лыдды да висьтав, мыйла юрсигусьлы сетöма татшöм ним.

Юрсигусь – сійö лэбалысь гаг. **Юрсигусь** кыв артмöма кык кывйысь: **юрси** да **гуысь** – юрси гусялысь. Артмö, мый гагйыс гусявлö юрси. Збыль вылас, сійö лэбалö морт юр весьттi да куталö гут-гагöс.



153 удж. Лыдды приметаяссö да вайöд мукöд примета зэра поводдя йылысь.

Юрсигусь кö лэбалö – зэрмас.

Юрсигусь кö петöма – луныс бергöдчöма нин.



154 удж. Лыдды слогъяссö.

	е	я	ю	ё
д	де	дя	дю	дё
з	зе	зя	зю	зё
л	ле	ля	лю	лё
н	не	ня	ню	нё
с	се	ся	сю	сё
т	те	тя	тю	тё


155 удж. Лыдды кывъяссö, лыддигад вочасöн содты öдсö.

ёді → ёдіпи → ёдіпийн
 ёкыш → ёкышпи → ёкышпийн
 ён → ёнмö → ёнмöдны
 ёг → ёгöсь → ёгöсьтны
 ёрт → ёртулов → ёртасьны
 ёсь → ёсьтöм → ёсьтыны


156 удж. Лыдды кывъяссö да орчöд.
Инды öткодьлунсö да торъялöмсö.

тёпкö		виялö	войтва
сёльгö		визувтö	шор
тёльгö		киссьö	ва

тёпкö-виялö войтва
сёльгö-визувтö шор
тёльгö-киссьö ва

 **157 удж.** Лыдды Николай Щукинлысь
нöдкывсö да тöдмав.

Пырысь-пыр и сюяс табтö,
Сэссия нуны кутас лёкысь.
Орöдас на – шöртыд слаб кö,
Тайö визья мышка

 **158 удж.** Лыдды Василий Лодыгинлысь
кывбурсö да кывъясөн серпасав ёкышсö.

Ёкыш.

И кор шедис меным ёкыш,
Муртса черисö эг окышт.
Повзьём ёкыш уна емön
Пöся чуткис нырам менö.





159 удж. Лыдды слогъяссö.

жа жо жу жы жö жи
 ша шо шу шы шö ши

160 удж. Лыдды кывъяссö медводз тэр-
 масьтöг, сэсся тэрыба.

жар → жаритöм → жаритны
 жбор → жборгöм → жборгыны
 жбыр → жбыргöм → жбыргыны
 жвинь → жвиньгöм → жвиньгыны
 жвунь → жвуньгöм → жвуньгыны
 жив → живгöм → живгыны
 жинь → жиньгöм → жиньгыны
 жув → жувгöм → жувгыны
 жунь → жуньгöм → жуньгыны
 жур → жургöм → жургыны
 журк → журкнитöм → журкнитны

161 удж. Артмөд кывтэчасъяс да лыдды.

ёсь	морт
жар	жыр
жугыль	жель
узьлан	лун

ёсь жель

162 удж. Комиод кывъяссö да гөгөрвоод налысь вежөртассö.



калина




жёлөб



хлебный
амбар



колокол

 **Жов пу** – гөрд тусьяса кустарник; **жыннян** – көртысь, ыргöнысь вöчöм конус мыгöра звөн перъянтор; **жёлöб** – керка вевт вылысь ва вийöдöм вылö вöчöм ворга; **жытник** – кыз сюръяяс вылын нянь, пызь либö шыдöс видзанін.

163 удж. Лыдды тэрыба.

Жов пу вылын:
– Жонь-жонь-жонь!

Вотö жовсö
Мича жонь.

З. Шиликова

164 удж. Лыдды Василий Лодыгинлысь кывбурсö.

Жонь.

Ывла вылын көдзыд,
Кылö тринь да тронь.
Увьяс костöд жöдзö
Мича лэбач – жонь.



? **165 удж.** Тöдмав юржуглансö да лыдды кыв.



 **166 удж.** Лыдды нюмсера гижöдсö ёртыдкöд.

– Жора, мыйла тэ быд вежалунö зэв жу-
гыль?

– Вежалуныс зэв öдйö кольö да, жаль...

167 удж. Лыдды кывъяссö.

Выльлун, ... , серöда, ... , пекнича, ... ,
вежалун.

• Уськöд тöд вылад лунъяслысь сёрсьөн-
бёрсьөн мунöмсö да содты колана кывъяс.

 **168 удж.** Орччөд роч да коми кывъяссө.

войдөрлун	сегодня
тöрыт	завтра
талун	послезавтра
аски	позавчера
аскомысь	вчера

 **169 удж.** Лыдды шусьөгсө да гөгөрвоөд.

Лун да вой – вежон нин кольёма.

 **170 удж.** Лыдды ёртыдкөд.

Лун да Вой.

- Вой, тэнö кыдзи шуöны? – юалис Лун.
- Войөн.
- А кыдзи аски тэнö мөдасны шуны?
- Аски Войөн жö.
- А тöрыт тэнö кыдзи шуисны?
- Тшöтш Войөн.
- Сидзкө, тэнö пыр Войөн шуöны, – кыв-кöрталіс Лун. – А менö тöрыт шуисны Виль-лунён, талун – Воторникөн, а аски мөдасны шуны Серöдаён.

- Лөсьöдчы ёртыдкөд петкөдлыны Лун-лысь да Войлысь сёрнисö класс водзын.



171 удж. Лыдды кывъяссö да гөгөрвоод налысь вежөртассö.

чаг		чой		чöд		чум
чад		чож		чöv		чунь
чай		чом		чöж		чут

чард	✿	час	✿	чöд	✿	чут
чардби		часі		чöдлач		чута



Чож – мамлөн вок, дядь.


172 удж. Лыдды кывъяссö да орччöд найöс. Мыйöн найö öткодъöсь?

чарöм → чарöма → чарöмавны
 чег → чегöм → чегны
 чолöм → чолöмалан → чолöмавны
 чукөр → чукөра → чукөртны

173 удж. Артмөд кывтэчасъяс да лыдды.

сюсь	чарла
лэчыд	челядь
сола	төв
чизыр	чери

сюсь челядь

 **174 удж.** Орчөд роч, коми кывъяс да серпасъяс. Гөгөрвоод кывъяслысь вежөртассө.



чепня	–	черпалка
печкан	–	прялка
чөрс	–	веретено
чарла	–	серп



175 удж. Лыдды Николай Щукинлысь нөдкывсө да төдмав.

Видзъяс вылын сьылө-олө,
Кутны көсьян – тэысь полө.
Ылөдз чечыштлывлө: звирк,
Тайө пурта гагйыс

176 удж. Лыдды кывбурсө гораа, а сэсса лөня да меліа.

Дзоридз пөвстын уска чирк
Дорө аслыс өдзөс дзир.

Чи-чи-чи, чи-чи-чи,
Вештö бокö турун чир.

С. Попов

177 удж. Сетöм кывйысь артмöд да
лыдды некымын кыв.

Чукöр → көр, чур, ... , ..., ...,

178 удж. Лыдды да содты колана кыв.

Чикыш да сырчик – _____ .

Чöд да чöдлач – _____ .

Паренча да печенча – _____ .

Отсöг кывъяс: **сёян, лэбачьяс, вотöс.**



Паренча – пöжöм да косьтöм морков
либö сёркни; **печенча** – пöжалöм картофель
либö сёркни.

179 удж. Лыдды кывбурсö да бөрйы ко-
лана кывъяс.


Миян йöрын кузь лунтыр

Сырчик жбыръялö, съöd

Оз-ö номыр кыськö ... ,

Ставыс град йöрын-ö бур?

син, ныр
лок, сюр

 **180 удж.** Лыдды да помав йӱзкостса приметасӧ.

Сырчик кӧ локтас водз, водз и

 **181 удж.** Лыдды висьтсӧ.

Ворсӧм.

Настя да Оля ворсисны школаысь. Оля шуис ичӧт чойыслы:

– Настя, шуав **Ч** шыпассянь заводитчысь кывъяс.

Настя шуалис кывъяс: чаль, чарӧм, чикыш.

– А ӧні, Оля, вайӧд кывъяс, медым **Ч** шыпасыс вӧлі кыв помас, – сетис Настя чойыслы сьӧкыдджык удж.


Оля вайӧдіс кывъяс: лабич, лӧбач, ситеч.

• Висьтав, кутшӧм кывъяс шуалис Настя. Вайӧд **Ч** шыпассянь заводитчысь кывъяс.

• А кутшӧм кывъяс вайӧдіс Оля? Вайӧд **Ч** шыпасӧн помасьысь мукӧд кывъяс.



Лабич – кыз пӧвйысь стен пӧлӧн сувтӧдӧм пуклӧс; **чарӧм** – тулысын лым вылын йи корка; тувсов йизьӧм лым.



Ь
Ъ

торйöдан
небыд пас
торйöдан
чорыд пас



182 удж. Лыдды кывъяссö да орчöд найöс.



ДЬ	бедь	бедьяс
ЗЬ	лызь	лызьяс
ЛЬ	моль	мольяс
НЬ	пинь	пиньяс
СЬ	пелысь	пелысьяс
ТЬ	бать	батьяс



Д	луд	лудьяс
З	коз	козьяс
В	ув	увьяс
Б	ыб	ыбьяс
Ж	пыж	пыжьяс
С	лыс	лысьяс

- Висьтав, кор колö гижны торйöдан **ъ** да **ь** пасьяс.

183 удж. Лыдды кывбурсö мичаа.



Тулыс.

Луныс талун мича,
Öшиньяс көть восьтав.
Жөлөб помсянь тічкө
Тэрыб эзысь войтва.
Төдса йөрьяс дорын
Лымйыс чинö, чинö...
Писькөдчöны шорьяс
Эжва-мамныс дінö.

Н. Щукин



Жөлөб – керка вевт вылысь ва вийöдöм
вылö вöчöм ворга.

• Мөвпышт, лыддигөн кутшöм кывъяс
колö төдчöдны гөлөсөн.



184 удж. Лыдды серпаса гижөд.

Пармаö воис гажа тулыс.

Шоныд бордйөн воис пармаö тулыс. Садь-
мисны пуяс. Найö шыбитісны ас вывсьыныс
лым пасьяссö. Сылісны йинёньяс. Ыльöбөн
котөртісны юлань тэрыб шорьяс. Гөгөр
сьылісны да нимкодясисны лэбачьяс, чолö-
малісны тулысöс: «Видза олан, гажа тулыс!»

ДЖ дж



185 удж. Лыдды слогъяссö.

жа жо жу жы жö жи
джа джо джу джы джö джи

186 удж. Лыдды кывъяссö.

еджыд → еждöм → еждыны
ыджыд → ыжда → ыждöдны
дженъыд → дженъдöдöм → дженъдöдны

джöм джум джын
джöмдыны джумдыны джынйöдны




Джум – ю пыдöсын джуджыд гуран.

187 удж. Лыдды Г. Юшковлысь кывпесан.

Эжва кöджын Бужöдланьыс
Джуджыд бужöд. Пыжа вужö.

188 удж. Лыдды кывбурсö колана ногөн.
Висьтав, кызди позьö тöдмавны зэр йылысь.



Джыдж.

Кытшöв бöрся тэрыб кытш
Ыбъяс весьтын вöчö джыдж.
Лэбö улöд-улöд зэв,
Сидзкö, виччысь: лоас зэр.

П. Образцов (Комиöдис И. Вавилин)

189 удж. Велöдчы лыддыны мичаа да
петкöдлöмөн.

Джыдж, джыдж.

– Джыдж, джыдж, кытчö ветлн?
– Сус коль сёйны ветли!
Ва юи – польди.
Паччөр вылö воді –
Мышкуй сотчис.
Гöбöч вылö лапкышти –
Кокöй чегис.
Пу кок пункті – сисьмис.
Кöрт кок вöчи – сёмис.
Лы кок вöчи – пон сёйис.
Майöг йылö кайи,
«Джыдж, джыдж» шуи дай лэби.



Гöбöч – джодж ув.



190 удж. Лыдды слогъяссö.

да ♦ до ♦ ду ♦ ды ♦ дö ♦ ди
 дза ♦ дзо ♦ дзу ♦ дзы ♦ дзö ♦ дзи

191 удж. Лыдды кывъяссö.

кыз ♦ дор ♦ дум ♦ лöз
 кыздз ♦ дзор ♦ дзум ♦ лödз

192 удж. Содты колана кывъяс да лыдды.

дзав → дзавйöм → дзавйыны
 дзаж → ...гöм → ...гыны
 дзаз → ...гöм → ...гыны

дзиз → дзизгöм → дзизгыны
 дзуг → ...öм → ...ны
 дзеб → ...öм → ...ны

193 удж. Аддзы лөсялана кывъяс да лыдды кывтэчасъяс.

өдзөс	чукөр
шонді	дзир
дзодзөг	дзирд
дзирыд	кага
дзоля	пөль
дзор	кодзув

өдзөс дзир



Дзирыд – югъялысь, дзирдалысь.



194 удж. Лыдды нель кыв да гөгөрвоод налысь вежөртассө.

					д	з
					д	з
					д	з
д	з				д	з

195 удж. Шуав тэрыба.

Дзодзөг кельөб	Дзугыль шыён
Енэж вывті	Лэбө-кывтө.



Кельөб – пөткаяслөн ёсь нырөн лэбысь чукөр; **дзугыль** (шы) – нор шы.

ТШ тш





196 удж. Лыдды слогъяссö.

ша ❖ шо ❖ шу ❖ шы ❖ шö ❖ ше
 тша ❖ тшо ❖ тшу ❖ тшы ❖ тшö ❖ тше

197 удж. Лыдды кывъяссö.

тшöг	тшуп	тшын	тшöт
тшöгöм	тшупöм	тшына	тшöтi
тшöгны	тшупны	тшынавы	тшöтaйтны

? 198 удж. Тöдмав юржуглансö.



199 удж. Лыдды кывбурсö мичаа.

Катша.

Лэбö-лайкйöдлыштö катша,
Юрнас гогйöдлыштö тшапа.
Мичаөн зэв асьсö чайтö.
Кыськö гусялöма майтöг.
Тонö, пуксис керка вылö,
Нимкоддысла китшкö-сьылö.

Г. Попов

200 удж. Лыдды катша йылысь да орччöд
«Анбур» небöгын сетöм кывбуркöд.

Катша, катша, китш-котш,
Тури помечö корö,
Мой кер лэдзö,
Ош керка лэптö,
Кöин кер кыскалö,
Ур би видзö,
Руч дöра кыö,
Кöч көвдум пöжалö,
Төрöкан гöстя локтö,
Печкан кокнас крукасис,
Гиль-голь киссис.



Помеч – кодлыкö котырöн ыджыд удж
вöчöм.



 **201 удж.** Лыдды роч да коми кывъяссö.

<p>фонáрь фáртук ту́фли шкаф</p>		<p>пöнар партук тупли шкап</p>
--	---	--

202 удж. Лыдды кывъяссö.

Фабрика, фанера, февраль, ферма, флаг, фляга, фольклор, фонтан, форма, футбол.

 **203 удж.** Лыдды Николай Щукинлысь нöдкывсö да помав.

Öзйö-ломзью кумач биён,
Сыкөд локтис югыд кад.
Сы вöсна, мый зумыд кийн
Шпоргö-дöлалö гөрд

204 удж. Лыдды кывбурсö лöня да мелiа,
а сэсся гораа да кыпыда.

Гöрд флагным öзйö,
Кыдзи би,
А бисö быттьö
Öзтiм ми.

205 удж. Лыдды мича горөн Серафим
Поповлысь кывбурсö.



Физзарядка.

Сизим часын
Чечча стöча,
Физзарядка
Пыр жö вöча.

Öти-кык, öти-кык, –
Морöс лов шытö
Эн пык!
Куим-нёлъ, куим-нёлъ, –
Асъя унзiльыд
Оз коль!





 **206 удж.** Лыдды роч да коми кывъяссö.

<p>у́лица пе́рец огурцы́</p>		<p>улича переч öгуреч</p>
--------------------------------------	---	-----------------------------------

207 удж. Лыдды кывъяссö да гөгөрвоод налысь вежөртассö.

Цирк, цемент, цилиндр, центнер, цирк, циркуль, цитата, сцена, концерт, репетиция.

 **208 удж.** Лыддьöй рольяс серти.

Тувсовъя каникул дырйи челядь ветлісны Сыктывкарö. Миян юркарö Москваысь воöма цирк. Челядь видзöдісны енбиа котырлысь ворсöм-петкөдчөмсö. Школаын быдөн окотапырысь висьталіс, мый сійöс чуймөдіс.

НАСТУК: – Меным медся ёна воис сьолём вылө Шпунтик клоун, коді концерт чөжыс гажөдіс йөзөс. Сійө петкөдліс лыдпас, а пон увтіс колана лыд. Клоункөд өтлаын йөктіс-вежнясис гөрд юбкаа понпи.

ВАНЬӨ: – А меным кажитчис велосипедөн ветлөдлысь ошпи. Кутшөм тэрыба сійө па-турликасис да йөктіс гудөк шы улө!

РАЯ: – Каньыс сэтшөм винёв: гимнаст моз кавшасис гезйөд да чеччаліс кольча пыр.

ИЛЛЯ: – Менам серамөй петіс Гоша попугай вылө. Сійө дзик морт моз сёрнитіс да тешитіс йөзөс.

ТАНЯ: – Кутшөм збоя ветлөдліс нюжөдөм сутуга кузя Маша нима нывка. Сійө ас гөгө-рыс бергөдліс уна рөма асыкъяс!

ӨЛЬӨКСАН: – Менө шемөсмөдіс фокус петкөдлысь. Көмтөгыс ветлөдліс клянича вывті, а кокыс эз и вундысь!

ЕКАТЕРИНА ИВАНОВНА: – Сцена вылын ворсысьяс чуймөдөмаөсь тіянөс. А өд налы кужөмлуныс да пельклуныс шедө сөмын быдлунья уджөн.

• Бөрйы гижөдыслы колана юрним:
а) Циркын; б) Енбиа котырлөн ворсөм-петкөдчөм; в) Чуймөдана аддзысьлөмъяс.



 **209 удж.** Лыдды роч да коми кывъяссö.

пету́х
са́хар
хозя́ин



петук
сакар
көзяин

210 удж. Лыдды кывъяс да гөгөрвоод налысь вежортассö.

Халат, харей, химия, хирург, хлопок, хор, хрусталь.



211 удж. Лыдды кывбурсö мичаа. Вись-тав Ёгор зонка йылысь.

Нарты вылын.

Тöдмасымöй:

Нимöй менам – Ёгорей.

Ичöт на, но нинöм.

Босътливла нин киö
Батлысь кузь харей.
Пукся кöр дадь вылас,
Босьта кузь харей:
– Нуöй менö ылö,
Э-ге-ге-гей!

В. Демидов (Комиöдiс Е. Козлов)



Харей – доддялöм кöръясөн веськöдлан кузь бeдь.





212 удж. Лыдды Щ шыпас йылысь кыв-
бур.

Щ шыпас.

Тайö Щ! Роч кывйысь гөстя.
Коми анбурö тшöтш босьтам.
Рочын Щ-ыс небыд шы,
Сэки шуны сьökыдджык.

В. Грабежова

? **213 удж.** Лыдды нöдкывсö, тöдмав да
содты колана кыв.

Няйт көмön кө гортад пыран,
Джоджыд муөн регыд тырас.
Кинад мутö он на курав,
Тайö ... вöчас бура.

Н. Щукин

214 удж. Лыдды висьтсö.



Юркарса шөр площадь.

Коми Республикалөн юркарыс – Сыктыв-кар. Кар шөрас эм Вежа Степан изэрд. Сылы сетöма Перымса Степанлысь нимсö. Тайö площадь вылас Каналан Сöвет керка. Сы весь-тын дöлалöны Коми Республика да Россия-лөн дöрапасъяс.

Юркарса площадь вылын Победа лунö овлö парад. Йöз чукöртчöны татчö быд гажöд-чöм дырйи. Виль во праздник лунъясö уна рöма биён пöртмасьö джуджыд коз. Тані жö гажöдöны йöзöс Лымныв да Кöдзыд Пöль.



Изэрд – площадь; **Вежа Степан изэрд** – Стефановская площадь; **дöрапас** – флаг.

- Тöдмав, мыйла площадьсö шуöны Вежа Степан изэрдөн.

Прөверит асытö

- | | |
|---|-----------------------------|
| 1 удж. Акань. | 68 удж. Чур, руч. |
| 6 удж. Оз. | 71 удж. Шыр. |
| 7 удж. Ош. | 75 удж. Бобув. |
| 11 удж. Ур. | 80 удж. Дадь. |
| 13 удж. Ур – ру. | 81 удж. Тар, дар. |
| 16 удж. Истан. | 91 удж. Тури. |
| 19 удж. Мазі. | 95 удж. Вöv. |
| 25 удж. Ыж. | 99 удж. Йöра. |
| 26 удж. Ыж, дыр. | 109 удж. Пон. |
| 32 удж. Öшкамöшка. | 115 удж. Лым усьöm,
лым. |
| 38 удж. Ном. | 124 удж. Ем. |
| 40 удж. Нидзув,
юрсигусь, ниа.
Лöсявтöm кыв –
ниа. | 128 удж. Кань. |
| 41 удж. Сизь. | 141 удж. Ябыр. |
| 45 удж. Пос, поз. | 146 удж. Югөр,
юкмös. |
| 48 удж. Кök. | 147 удж. Юсь. |
| 53 удж. Мös. | 157 удж. Ёкыш. |
| 58 удж. Зэр. | 165 удж. Вежон. |
| 60 удж. Кöза. | 175 удж. Чирк. |
| 67 удж. Руч. | 203 удж. Флаг. |
| | 213 удж. Щötка. |



Вежӱртас гӱгӱрвоӱдан кывкуд

Асык – гӱгрӱса кусыньтӱм кӱртысь либӱ
пластмассаысь гӱгыль

Вежань – вичкоын кагаӱс пыртӱгӱн да ним
сетӱгӱн отсасысь ань

Вомкӱтшын – тшӱка сайын, вомын

Горс – пуын розь

Гӱбӱч – джодж ув

Джум – ю пыдӱсын джуджыд гуран

Дзав – кысян станын подув сунисъяс кос-
тӱд новлӱдлан векныдык, вӱсныдык пу-
тор

Дзирыд – югъялысь, дзирдалысь

Дзугыль (шы) – нор шы

Енбиа – ыджыд сяма да таланта

Енгаг – гӱрд, виж либӱ еджыд вылын сьӱд
чутъяса гаг; рочӱн: божья коровка

Ёль – вӱрті визувтысь ичӱтик шор

Жов пу – гӱрд тусьяса кустарник

Жыннян – кӱртысь, ыргӱнысь вӱчӱм конус
мыгӱра звӱн перьянтор

Жӱлӱб – керка вевт вылысь ва вийӱдӱм вылӱ
вӱчӱм ворга

Жытник – кыз сюръяяс вылын нянь, пызь
либӱ шыдӱс видзанӱн

Зарава – тулысын кыддзысь виялан ва;
кыдз пу ва

Зіб – вöсни кузь бедь, зор

Кельöб – пöткаяслөн ёсь нырөн лэбысь чукөр

Керöс – вывтасін

Киллыны – кöйдыс перьявны

Кобис – дугдіс зэрны

Кобув – зэрысь дзебсянін

Кöдж – юлөн, шорлөн крут чукуль

Лабич – кыз пöвйысь стен пöлөн сувтöдöм
пуклöс

Лог – увтасін, сён

Лос – увтасінын вутшка васöд видз

Лышкыд – абу скуп

Лэбув – пес видзанін

Мегыр – гöгрöса кусыньтöм вöв доддялан пу
кöлуй, сійөн пысалöны вожсö сийöс дінас

Нöк кашник – сёйысь вöчöм дозмук; рочөн:
горшок для сметаны

Нур – этшаник сёян

Паренча – пöжöм да косьтöм морков либö
сёркни

Печенча – пöжалöм картупель либö сёркни

Помеч – кодлыкö котырөн ыджыд удж вöчöм

Пужьялöма юр – юрыс еждöдöма, быттö
еджыд пуж

Саридз – море

Таб – тывйӧ, лескаӧ пысалӧм кокни предмет;
ва веркӧсас кутӧ тывсӧ, оз лӧдз вӧйны

Табъя кока – чукля кока

Тшем – сук, тшӧкыд

Урбӧж – быдмӧг; рочӧн: хвоц луговой

Харей – доддялӧм кӧръясӧн веськӧдлан кузь
бедь

Чож – мамлӧн вок, дядь

Чожа – тӧрыба

Чуман – вотӧс да тшак вотӧм вылӧ сямӧдысь
вӧчӧм кӧрӧб кодь доз

Ыб – вывтас му, вылысӧн

Ыкша – асьсӧ вылӧ лӧптысь, баквал морт

Эжӧр – васӧдӧнын быдман вундасьысь дора
кузь чорыд турун

Южмӧм – топалӧм, талялӧм

Юкмӧс – тшупӧм сруба муӧ кодйӧм ва
перьянӧн

Ямны – чинны, усьны, бырны (ва йылысь)



Юриндалысь

А шыпас	6
О шыпас.....	8
У шыпас.....	10
И шыпас	12
І шыпас.....	14
Ы шыпас	16
Э шыпас.....	18
Ӗ шыпас	20
Н шыпас	22
С шыпас	24
К шыпас	26
М шыпас	28
З шыпас.....	30
Р шыпас.....	32
Ш шыпас	34
Б шыпас.....	36
Д шыпас.....	38
Т шыпас.....	40
В шыпас.....	42
Й шыпас	44
П шыпас	46
Л шыпас	48
Е шыпас.....	52
Ь шыпас.....	54
Г шыпас.....	56
Я шыпас	58

Ю шыпас.....	60
Ё шыпас.....	64
Ж шыпас.....	66
Ч шыпас	70
Торйөдан небыд пас (Ъ)	
да торйөдан чорыд пас (Ъ)	74
ДЖ шыпас	76
ДЗ шыпас.....	78
ТШ шыпас.....	80
Ф шыпас	82
Ц шыпас	84
Х шыпас	86
Щ шыпас.....	88
Прөверит асьтө	90
Вежөртас гөгөрвоөдан кывкуд	91



Допущено Министерством образования Республики Коми

Учебное издание

Полякова Эльвира Ивановна

БУКВЫ В ЛУКОШКЕ

Упражнения по коми языку
для 1 класса

На коми языке

Художник **И. А. Авилова**

В оформлении издания использованы фото В. В. Прокушева

Редактор В. И. Трошева
Художественный редактор И. А. Авилова
Технический редактор, компьютерная верстка – С. И. Оверин
Корректор Ю. В. Харкун

Подписано к печати 13.11.13. Формат 70х100¹/₁₆
Бумага офсетная. Печать офсетная
Усл. печ. л. 7,74. Уч.-изд.л. 10,60
Тираж 640 экз. Заказ №

ООО «Анбур». 167982, г. Сыктывкар, ул. К.Маркса, 229

Отпечатано с готового оригинал-макета в полном соответствии
с качеством предоставленных материалов
в ООО «Коми республиканская типография»
167982, г. Сыктывкар, ул. В.Савина, 81. Тел. (8212) 28-46-71, 28-46-61

ISBN 978-5-91669-104-7



9 785916 691047

